

Тепсеу: Толгурова Камила

Бардыргъан 1: Кюннюгюз ахшы болсун, багъалы къонакъла, устазла эм окъуучула!

Бардыргъан 2: Поэзия десек, бизни эсибизге Кязим, Къайсын, Саид, Керим, Магомет, Зейтун, Алим эм башха алакат жазычуларыбыз келедиле.

Бардыргъан 1: Ненча унутулмазлыкъ тизгинле жазгъандыла ала? Ол тизгинлени къайдан алгъан болурла эм къайры кете болурла ала бизни тинибизде тамгъа къоя? Аны ангылагъан къыйынды.

Бардыргъан 2: Бирле – жазаргъа сюедиле, бирле- аланы окъургъа эм ол назмула къаллай сезимле туудургъанларын билирге.

Бардыргъан 1: Мени оюмуна кёре, назму жазыу ол чыпчыкъча учаргъа юйрениу сунама. Алай анга юйреналмазса, поэзияны ангыларгъа уа юйренириксе.

Бардыргъан 2: От жагъа поэзияны белгисиди. Ол эрттеден келген төрелерибизден бириди. Алайды да, келигиз, ол төрелени бузмай, биз да поэзияны от жагъасына жууукъ болайыкъ.

Бардыргъан 1: Алайды да бюгюн бизни мектепде, жазыу ишинде ёз энчилиги бла келген, Аллах берген уллу фахмулу къызыбыз Мусукаланы Азнорну къызы Сакинат бла тюбешиуге «хош келигиз» дейик.

Окъуучу: Локияева Милена, Аликберова Камилла (жазычуну жашау жолун айтадыла)

Бардыргъан 2: Сакинатны табийгъатха, кёкге, жерге, адамгъа сюймеклигин теренинден суратларгъа онг берген фахмусуна мурдор таш ол назмула болгъан сунабыз.

Бардыргъан 1: Мусукаланы Сакинатны дуниядан жашлай кетген анасына атагъан назму тизгинлеге бир тынгылайыкъ.

Бардыргъан 1: Биринчи назмулары бла халкъны алай сагъайтхан Сакинат бюгюнлюкде бизни миллет литературабызны белгили, фахмулу адамларындан бирлери болуп тохтагъанды.

Окъуучу: Габоева Самира .

Бардыргъан 2: Суратлау сёзню усталарыны арасында китап окъуучуларына да кесин сөйдүрген, адамлыгы жюрөклени жылытхан, жууаш, халал, огъурлу да Сакинатны аты кесине тийишли жерни алады.

Окъуучу: Аккизова Айгюль «Мени ариу , чууакъ кёзлюм» деген чыгъармадан юзюк.

Бардыргъан 1: Халкъда айтылгъан «жюрөкден жюрөкге жол барды» деген сёз кертиди. Ахшыны, аманны да айырма айылагъан Сакинат шуёхлукъну бийик даражада тутта биледи.

Жыр : Байтуганова Сабрина «Кёзлеринге къарасам»

Бардыргъан 2: Миллетибизни ёксюзле ёсдюрген аналарына кысылып узакъда къалгъан сабийлерине атап, «Алматада чагъадыла алмала » деген поэманы жазгъан адамды Мусукаланы Азнорну кызы Сакинат.

Бардыргъан 1: Ол халкъы сынагъан кыйынлыкъланы, ёксюзлюкню ёмюрге унутулмазлыкъ сарнау ауазын кеси жюрөгинде ажымсыз сакълай билмесе эди, аллай чыгъарма жазаргъа кълундан келмезлиги баям эди. Жашауда бол келген затланы алай терен ачыкъларгъа уа жаланда фахмулу, билимли адамла базадыла.

Окъуучу: Жанкишиева Нателла «Алма -Атада чагъадыла алмала» деген поэмадан юзюк.

Бардыргъан 2: Жашауну хар кезиуюню кесини къууанчы, жарсыуу, кыйынлыгы, ажымлы иши, бушуу болгъанын тюз ангылайды поэт.

Окъуучу: Байтуганова Жамиля

Бардыргъан 1: Сакинат назмуларыны лирика жигитлерини биргелерине жарсыйды, къууанады, сюеди, кюеди.

Сценка «Обур бла Мазан» .Ойнагъанла: Обур- Хаджиева Камилла, Мазан – Кулиев Кантемир, тюлкюле – Этезов Мурат, Конаков Алан.

Жомакъларны окъугъан : Аппаева Самира.

Жыр

Бардыргъан 2: Мусукаланы Сакинат аламат да , огъурлу да ишинде адабиятха керти къллукъ эте келеди. Тишируну хазнасында лирика

назмуладан сора поэмалары, кесамат ишлери, сабий чыгъармалары, кёчюрмелери да асламдыла. Тейри кылычны бояуларыча, байды чыгъармачылыкъ табийгъаты Сакинатны.

Окьюучула : Хосаева Амина, Шекерова Самира «Малкъар тилибиз»

Жыр: Байтуганова Сабрина «Таулу байракъ» Сезл. Мусукаланы Сакинатны.

Бардыргъан 1: Жазыучу бла тюбешиу ол сейир да сейир, бизни узакъгъа элтиу эм хайырлы иш болгъанын билебиз. Аны себепли Сакинат Азноровнагъа сабийле талай соруу хазырлагъандыла.

Бардыргъан 2: Алайды да сизни ыразылыгъыз бла башлайыкъ.

- Сакинат Азноровна , сабий заманыгъызны, мектепде окъугъаныгъызны эм суйген устазларыгъызны юсюнден айтсагъыз эди. Сау болугъуз!

- Мектепде окъугъаныгъызда адабият дерслени сюеми эдигиз?

- Сабий заманыгъызда бек къуанчлы кюнюгюзню юсюнден айтсагъыз эди?

- Ненча жыл бола эди сизге биринчи назму жазгъаныгъызда? Къалай ангылагъан эдигиз ол ёмюргеде деп , ол кертиди деп?

- Сиз жазгъан назмулада бек багъалы эм сыйлы къайсыды?

- Малкъар поэзияда унуталмазлыкъ темала: Уллу Ата журт уруш эм кёчгюнчюлюк. Къайсы тема бегирек жууукъду сизге?

- Сизни чыгъармаларагъызда ала не жерни аладыла?

- Ол темалагъа жораланган бир назму айтсагъыз эди. Сау болугъуз.

- Сизни уа суйген поэтигиз бармыды?

- Назму жазаргъа юйренирге боллукъмуду? Огъесе назмучу болуп тууаргъамы керекди? Сау болугъуз!

- Назму жазаргъа итинген инсанга неден башла дерик эдигиз? Сау болугъуз!

Бардыргъан 1: Сау болугъуз, Сакинат Азноровна! Бу къууанчлы ишибизге къатышханыгъыз ючюн. Ийнанабыз ,бу тюбешиу ахыр болмагъанына. Мындан ары да кёп жылланы алакат чыгъармаларыгъыз бла бизни окьюучуларыгъызны къууандырырсыз деп ышынабыз.

Бардыргъан 1: Аны бла «жазыучу бла тюбешиу» деген кьууанчлы ишибизни тепсеу бла бошайыкъ. Бошалмазлыкь ёмюр, насып барыбызгьада Аллах берсин! Сау болугъуз!

Тепсегенле: Кумуков Темболат, Акушуев Ачемез, Аппаева Алина, Жанкишиева Элеонора.